

PAILIMON

KUIMP TEPA IK KŪĹ

Ya Buk Ei Nga Puŧ Ei:

Wu Pailimon ndi, kindmant wu Onesimas nung nimba purum uŧ ei nga nit mbu pendpa kelpa, mondpa pili wu ungun mel rukur tangga.

Ya Buk Ei, Nam Ndi Rurum:

Ya buk ei, Pol ndi rurum.

Mon Ropa Nam Ngurum:

Ya mon ei, Pol ndi, ropa Kolosi kona ila mondpa pili wu Pailimon ngurum.

Ui Nant Ila Rurum:

Mon ei, Pol Rom kona ila kan manga ila pepa rurum. Ei Kraist metung ei kun, mbuldung pana 60 ila mon kŧŧ rurum.

Ik Ronduŧ: Pailimon 1:15-16

Onesimas unt nim ui onunga kot ila, wak ropa purum. Ei wote, nim kun yant omba ui roŧ etpa moŧmba ei nga itim. Akup Onesimas kindmant wu mel morum. Wote, Kraist nga mbi ila wu ei, akup kindmant kongun ei, tupa mana ndurum. Akup wu ei, Kraist nga ungun mendpuŧ ei morum ku. Ei nga, na ndi, wu ei numan ngont. Ei mel, nim ndi, i ku etkun, numan minal ku ngui. Nambuŧ emel, wu ei, kindmant wu moŧpa, wote Nuim ei nga mbi ila, wu ungun mendpuŧ ei morum.

IK PENG KŪĹ

Rump

1:1-1:3 - Pol ndi, mon ti ropa, Pailimon ngurum

1:4-1:7 - Pailimon nga wamp numan ngui uŧ ei kun, mondpa pili uŧ ei kun

1:8-1:22 - Pol ndi, Onesimas kun wuldatum

1:23-1:25 - Rawe etpa ik mat nitim

Pol Ndi, Mon Ti Ropa Pailimon Ngurum

¹⁻²Na Pol, Kraist Jisas nga nundup kan manga ila pet wu ei kun, tun nga ungun Timoti kun, mon ei ropul rop, nim Pailimon tul nga kongun wu ungun ei kun, tun nga kimun amp Apiya kun, wote tun nga el wu ungun Arkipas kun, wote nim nga Got nga mang rapa tenda ila wamp nuk mormun kul kun, mon ei rop ngonumbul.

³Tun nga Got Wuta kun, Nuim Jisas Kraist nga pot ti ul ei kun, numan wang ndui ul mbu, enim kun kan piyanga.

Pailimon Nga Wamp Numan Ngui Uf Ei Kun, Mondpa Pili Uf Ei Kun

⁴Ui mbila ruk ruk na atinga rop, nim mbi tep angundup, na nga Got kun angege nut. ⁵Ei nambu emel, na put ei, nim ndi, Got nga wamp mbu, numan ngukun, omba Nuim Jisas ei mondak putun ku. ⁶Na ndi, Got kun atinga rop mawa elimba! Nim nga mondpa pili ei, etpa rondul mundangga, nim nga pilpa kungundi omba kun pangga! Wote, nim pilkun molkun, ul kun kai mbu tun ndi mbun, Nuim Kraist ei kun, memp kai mbu tutmun ei mel nim tin. ⁷Wu ang ye! Nim nga wamp numan ngui ul etun ei ndi, na rondul nguanga, numan kai pilip mor. Nambu emel, nim ndi, Got nga wamp mbu kun, etkun numan kai pendutun.

Pol Ndi Onesimas Kun Wuldutum

⁸Ei nga, wote na ndi, nim kun numan ei mel put. Nim ul kun kai tenda ti itun ei, Kraist nga mbi ila na ndi, nim kun, rondul mondup man ngump namp. ⁹Wote, na i etup ni nunimp. Na wamp numan ngui ul ila nim kun ik raka raka nump namp. Kupa, na Pol ei, akup anda etup, wote Kraist Jisas nga, kan wu ei mor. ¹⁰Na ndi, nim Pailimon waldunt ei, na nga kangum Onesimas nga pili! Ei nambu emel, na kan manga ila pit ei kun, Kraist nga mbi ila na kang ei nga tipam ei mur. ¹¹Unt kang Onesimas nim kun ul ingk ti, iti nututum mon. Wote, akup nim nga kep, na nga kep, tupa rupundi wu kai ei morum. ¹²Akup Onesimas nim ngump int ndont. Na nga numan ei, wu ei kun pendup ngont. ¹³Na Got nga Runang Ik Kai ei nga nump, kan manga ila pit ei kun, nim nga kol ila wu Onesimas, na tupa rapundpa motpa, wote got nga ik ei nindimp. Unt nim itin ul ei mel etangga! ¹⁴Wote na ndi, nim kun rondul mondak, na tukun rupundi ni nunimp mon! Na kun ul kai mat itimp nukun pin mbu, nim ninim numan ila pin ei mel iti. Na ul ti itimp ei nim ndi, kapla nana mint itimp. ¹⁵Onesimas unt nim ui onunga kot ila wak ropa purum. Ei wote, nim kun yant omba ui rot etpa motmba ei nga itim. ¹⁶Akup Onesimas kindmant wu mel morum. Wote, Kraist nga mbi ila wu ei, akup kindmant kongun ei, tupa mana ndurum. Akup wu ei, Kraist nga ungun mendput ei morum ku. Ei nga, na ndi wu ei numan ngont. Ei mel ku, nim

ndi, i ku etkun, numan minal ku ngui. Nambuŕ emel, wu ei kindmant wu moŕpa, wote Nuim ei nga mbi ila, wu ungun mendpuŕ ei morum. ¹⁷Wote nim Pailimon, na Pol tul wu raŕ, Kraist kun kongun tenda ila etumbuŕ. Nim Pailimon ndi, Onesimas rawe etkun yant ti! Uŕ ei, na rawe etkun tin ei mel ku! ¹⁸Wote, wu ei ndi, nim kun uŕ mat etpa ŕawa mundrum ndam kep, wote elim nga mel punt mat, nim kun pem ndam kep, kump kam na kun nana, na ndi, punt ruimp. ¹⁹Na Pol ndi, nanim nga ki ei ndi, ya mon ei rop ngunt. Ei kupa, na ndi, nim punt ruimp. Nim Kraist kun kont pukun morun uŕ ei, na kun punt mam ti morum. Ei nga, nim ei ndi, namba etkun punt ruin? Ei kapŕa mon! Ei nga, na ik ei nga ni nanimp, mon! ²⁰Wu ang ye! Na uŕ ti numan mondunt ei iti. Na Nuim ei nga mbi ila, nim nga ungun ei, na mor nukun, na etkun numan ei wang ndukun, Onesimas rawe etkun ti. ²¹Wote, na punt ei, nim uŕ nunt ei mel, kapŕa itin ei nga pilip, ya mon ei rop ngont. Wote, nint uŕ ei mel etkun, uŕ mat pendkun itin mbu, na pilip mor. ²²Ei kun ku, manga ti kandkun, tukun tekun muŕi! Ei nambuŕ emel, Got ndi, enim nga atinga rormin ei punt ropa, na kelpa enim kun int ndupa ngumba.

Rawe Etpa Ik Mat Nitim

²³Wu Epapas na kun, rap ropuŕ, Kraist nga mbi ila kan manga ila petumbuŕ wu ei ndi, enim kun rawe enim. ²⁴Na nga kongun wu ungunul rap rop andurmin wu Mak, Aristarkus, Dimas, Luk man kuŕ ndi, enim rawe enmin ku.

²⁵Nuim Jisas Kraist nga wamp poŕ ti uŕ ei, enim nga muŕnga orunga piyangga! Ei kupa!